


La terrible et

Merueilleux signe qui a este Veü sur la
Ville de Paris / avecque Vent grand
clarte & lumiere / tempeste & foudre / et
austre signe / le squez ont este Veü p plu
sieurs lieux . Et principalement en la
Ville de Paris / & a este Veü p plusieurs
gens : & estoit sur leurs de dix heure de
uant minuict / & fust le .x. jour de Jan
vier . Mil cinq cens & trente .



Lan de grace mil cinq cēs
trente le. xxi. de Jānier le
terrible & epouentable Dragon q
a este veu sur la ville de Paris le
quel auoit la teste grosse comme
vng muīt; & getoit feu & flambe
la queue longue de deux aulne/ et
fut veu en plusieurs endroits des
dēs la ville de Paris & esclairoit
Il sembloit que ce fust vne esclai
re/ & souflit plusieurs chandelles
qui estoient au fenestre au lon de
la grant rue saint Denis/ & y int
passer par la faulce porte saint de
nis. & dela sen allit a saint denis
en france du lōg le grant chemin/
& a saint Denis fust veu eom me
a Paris. Et en lad ville de saint
denis fit vng grant bruy comme
il auoit fait dedens ladicte ville

par Paris par deuant / & quant il v
eut este vng grant espalle de tēps
dedens la ville de saint denis il
fit vng grant bruit cōme par des
uant que chascun q̄ le vcoit estoit
moult esbay / & ni auoit si hardi q̄
les cheueux ne drestit en la teste. et
de la suiui lique tant qui sembloit
que le feu fust sus la riuere / tant
que des pelcheurs qui estoient sur
la riuere se cuidoerēt nofer de peur
& de la sen alla faisāt grant bruit
tant que chascun qui loiet estoit
tout espante du grant bruit q̄ fai
soit. & de la sen allit volāt sus la
ville de Mianx en brie. & fit vng
lunier au long de la riuere / & disse
ceux qui le virent au long de la ri
uere de Mianx qui ce fit en plu
sieurs figure. En le premier signe

Il estoit court comme vng mois /
au second il estoit grant come vne
toisse / & getoit feu & flambe de sa
gueule avecque vens / & venoit ba
tant le vent au long de la riviere /
que tout ceulx qui le virent en eu
rent grāt peur & estoit entre douze
& vne heure apres minuit. Et y
eut vne femme qui la vit qui eut
si grāt peur & fraieur quelle cheut
toute pamee dedens la maison /
& dela entrit dedēs la ville de mi
aux courant parmi la rue tétant
feu & flambe / tant que tout chas
cun qui le veoit en auoit fraieur
apres que ledict serpent eut bien
este dedens la ville / il volla vers
le ciel & teta vng feu le q̄l fust par
& verge & pueit quil se bloit auoir
souffre qui built. Et dict on q̄ cest

signe est pour les Hereticque qui
regnent pour leure sur la terre en
plusieurs contrees / & principale-
ment aux allemaine. Et pourtāt
Dieu veult montrer & enuoier des
signe tel qui luy plait a cause des
faulx heretiques / & de la volit en
la partie doriens / & dit vng hōme
qui l'auoit veu ledict Serpent q̄
venoit d'une ville appellee Cha-
stiau Tieri pour venir a Miaux
au long de la riuerse / & luy sebloit
auoir que cestoit tout feu entour
luy / & quāt ledict homme lanissit
il se recommanda a nostre seigneur.
Et dict celuy homme que ledict ser-
pēt estoit gros en la maniere d'ung
cheval & se tempetoit moult fort &
cheut ledict serpent en vne maisō
environ de trois on a quatre tret

Parque diceluy homme & la mai-
son fut brulee & ravie pour la grāt
ondeur de feu que ietoit ledict ser-
pent / & quant ledict homme le vit
ainsi bruler il se cria a haulte voy
& commença a crier mais le crier
ne luy vault rien / sinon que se res-
commēder a dieu / & marchoit ice-
luy homme le plus rade qui peult
a gagner la ville de **M**iaux. Et
quāt il y fut il dict a sō hoste tout
ce quil auoit veu en la fallō & ma-
niere qui lauoit veu / & ledict hoste
en fut tout esbay / & dict celuy hō-
me que cestoit vne chose horrible &
punició de dieu. **D**z priōs a dieu
qui ne veuille pas punir le mōde
ainsi cōme il le desert / car ce fut
vne chose plus estimable q̄ on vit
iamais.

FINIS.

LAN M. ccccc. xxviii. Le. v.
de Avril iour de pasques.
Ellores entre cinq et six heures a
pres mydi esparties de Piemont et
Lombardie et principalement en de
ux petites villes nommes sanct Am
broise et sanct Michel tomba des
pierres du ciel seblables au et pier
qui se trouuent es foiges des mare
schaux & ferruriers ou aultres for
gerons desquelles pierres en signe
de grant merueille ou a porte au
tre chrestien roy de France. & aussi
au roy Dangleterre. pareillement
au duc de Savoie

Cela este ordonne de le met
tre a l'impression afin qu'on prie
dieu pour la paix & union de toute
chrestiente.